


SOLO

Afl. 1.25

BRIYANDO FUERTE • TRECIENDO CLARIDAD
DIARAZON 31 JANUARY 2024

Di Pueblo

**HOLLAND
AMERICA LINE
CONMEMORANDO 150
AÑA DI EXISTENCIA**



WWW.SOLODIPUEBLO.COM



SOLODIPUEBLO@GMAIL.COM

3 PERSONA DETENI PA UN CASO GRANDI DI IMPORTA Y BENDE DROGA



BANDA DI TAMARIJN HOTEL: PROME MORTO DEN TRAFICO PA AÑA 2024



AVIANCA TA EXPANDE CONEXION ENTRE MEDELLIN Y ARUBA

Aeropuerto di Aruba ta yama bonbini na
4 vuelo semanal for di Medellin desde
juni 2024



KIA PICANTO A BOLTER ARIBA WVB DEN E AUTO TAWATA TIN UN BABY



E DI DIES CONTAINER CU MATERIAL DEPORTIVO A YEGA ARUBA.



VIANCA TA EXPANDE CONEXION ENTRE MEDELLIN Y ARUBA

Aeropuerto di Aruba ta yama bonbini na 4 vuelo semanal for di Medellin desde juni 2024

Cu masha orguyo Aeropuerto di Aruba ta anuncia un crecemento significativo den e conexion pa Colombia cu Avianca door di reintroduci su ruta non-stop for di Medellin pa Aruba.

Recientemente e aerolinea a anuncia su plannan pa expande su servicio pa Aruba cuminsando e operacion desde Medellin, Colombia cu cuater vuelo semanal cuminsando desde juni 2024. E vuelonan ta programa riba dialuna, diaranson, diabierna y diadomingo saliendo for di Aruba 11:15 am y yegando 12:25 pm na Medellin, Colombia.

E decision di Avianca pa expande e servicionan ta refleha e compromiso cu e aerolinea tin pa fortalece e conexion entre Colombia, Latino America y Caribe a traves di Medellin. David Alemán, Sales Director di Avianca pa Colombia y Sur America, a destaca e status di Aruba como destinacion principal pa Avianca, cu actualmente ta opera seis vuelo semanal desde Bogota.

E ruta di Medellin pa Aruba ya caba ta operacional caba pa un tempo. Wingo ta ofrece cuater vuelo semanal riba dialuna, diamars, diaranson y diasabra. Avianca lo haci uzo di un Airbus A320 cu capacidad pa 180 stoel pa e ruta Medellin-Aruba. Ta spera cu e expansion aki lo aumenta e capacidad di stoel entre e dos destinacionnan cu un 90% compara cu año 2023. Medellin lo consisti di un participacion den e mercado di 17% di henter e capacidad di America Latino. Ademá, Medellin ta transformando den un centro di conexion crucial pa Avianca, cu mas di 20 ruta nacional y internacional.

E aumento di frecuencia tin como obhetivo pa ofrece su pasaheronan mas flexibilidad y opcion na momento cu nan ta planea nan biahe, no unicamente pa Colombia pero tambe p'e otro destinacionnan solicita den Sur America. Jo-Anne Meaux-Arends, Aviation Business Development Executive, a duna

di conoce cu: "Como obhetivo principal di nos aeropuerto, nos ta dedica pa engrandece y mantene e conexionnan strategico y garantisa e sostenibilidad a largo plaso di nos rutanan."

Detaye di vuelo

E ruta Medellin-Aruba lo ta operacion durante cuater biaha pa siman riba dialuna, diaranson, diabierna y diadomingo, cuminsando desde 2 di juni 2024. Tin posibilidad pa book ticket riba Avianca su website: <https://www.avianca.com/en/> of cerca bo agente di biahe preferi.

Ruta

Ora di salida

Ora di yegada

MDE-AUA

8:00 AM

10:40 AM

AUA-MDE

11:45 AM

12:25 PM

Tocante Medellin


Medellin, den e curason di Colombia, ta birando un hub pa e biaheronan cu ta en busca di conexion rond di henter Latino America y Caribe. Cu su cultura excitante, paisahe impresionante y infraestructura den crecemento, Medellin ta fungi como un punto fundamental pa e iniciativanan di expansion di Avianca, fomentando un miho conexion den henter e region.

Tocante Avianca

Avianca, un aerolinea lider den Latino America, ta dedica na facilita experiencia di biahe senciyo pa e pasaheronan na Colombia, Sur America y mas. Cu un compromiso den experiencia den servicio y conexion, Avianca ta sigui innova y amplia su red di ruta, solidificando su posicion como operador di confiansa ainda mas den e region.

Tocante AUA Airport

AUA Airport ta un di e aeroportonan mas ocupa den region Caribe cu mas di 22 diferente aerolinea operando pa Aruba contribuyendo na mas cu 2.5 milyon pasahero pa año y cu



buelonan pa 22 diferente ciudad 34 diferente destinacion non-stop rond di mundo. Di e mercadonan cu AUA Airport ta sirbi 76% ta for di Merca y Canada, 14% for di Latino America, 6% for di Europa y 4% for di Antia Hulandes te cu luna di december 2023. AUA Airport ta reconoce cu esaki ta danki na e economia stabiel, clima politico, hospitalidad, poblacion diversifica y siguridad general di nos isla. AUA Airport su aspiracion ta pa bira un aeropuerto sostenibel, sigur y a prueba di futuro, den

region Latino Americano & Caribense, brindando un luga di trabou confiabel, facilidad di un aeropuerto moderno y un servicio excelente cu ta e refleha hospitalidad Arubiano, contribuyendo na un futuro prospero pa Aruba. Conoce mas di loke ta pasando na AUA Airport door di bishita www.airportaruba.com y conecta cu AUA Airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaaairport/](https://instagram.com/arubaaairport/)
Fecha: 30 di januari 2024

PROME MORTO DEN TRAFICO PA AÑA 2024



Diamars madrugá pa ta wordo informa di 02:44 central di polis un accidente basta pisa



den e bocht na altura di Tamarijn All Inclusive. Central ta despacha un patrúya di biaha na e sitio di e sucedido. Na yegada di e patrúya ta topa cu un auto Kia Rio color shinishi numera A-5567 y aden tabata tin un chauffeur

masculino cu no tabata reaciona. Ambulance a presenta na sitio y no por a haci nada mas pa cu e persona. Polis di trafico a presente como tambe polis técnico pa cuminsa haci nan investigacion. Pa 03:25 dr Texier ta constata morto

di e homber Giuseppe PAPAGNI naci 24 maart 1987 (36 aña) na Italia.

Cuerpo Policial y awe24.com ta manda palabra di condolencia na famia di e fayecido.

SIGURANSA PA UN STAGE DI CALIDAD HALTO PA STUDIAntenan LOCAL Y INTERNACIONAL

HOH awo cu acreditacion organisacion di educacion pa studiantenan

Riba 24 di januari a celebra Dia Internacional di Educacion, pues ki miho momento pa anuncia na coleganan di hospital via canalnan interno cu Horacio Oduber Hospital (HOH) a caba di ricibi acreditacion como un organisacion di educacion, esta 'leerbedrijf' duna pa "Samenwerkingsorganisatie Beroepsonderwijs Bedrijfsleven" (SBB). SBB tin e responsabilidad pa ehecuta e leynan di educacion y formacion di trabou na Hulanda. Studiantenan di e nivel M.B.O. pa ley mester sigui nan parti practico di nan estudio na un organisacion di estudio acredita, cu ta conoci como 'beroepspraktijkvorming' (bpv). Pues, un tremendo logro cu ta pone hospital riba mapa pa studiantenan di Hulanda cu e nivel di M.B.O awo tambe por bin Aruba pa core staga na HOH.

"Mi ta hopi contento y agradicido na team di HOH Academy y tur otro departamento cu a contribui pa logra e acreditacion aki cu

ta habri mas porta pa nos como HOH y Aruba," miembro di Hunta di Directiva, sr. Gregory Croeze a expresa. Un pabien grandi ta bay pa departamento di HOH Academy cu a haci esaki posibel.

E departamento HOH Academy ta hunga un rol crucial den stimula un educacion continuo, cual ta coresponde cu un di e puntonan fundamental di hospital. HOH Academy ta percura pe studiantenan cu mester core stage tin un luga adecua pa practica y compaña pa un guia profesional den hospital.

"E proceso pa haya acreditacion a cuminsa na januari aña pasa unda cu a mira kico mester haci of drecha pa cumpli cu tur exigencia. Entre otro cu e estudiante ta safe y cu nos tin tur cos den cas cu e estudiante mester manera por ehempel material y un bon guia durante nan stage como organisacion profesional. Tur e



'stagebegeleiders' y supervisornan di trabou den HOH a aporta grandemente durante e trayecto pa logra acreditacion como organisacion di estudio. Nos como HOH Academy ta aprecia masha hopi mes boso dedicacion y guia cu a hunga un rol esencial den e proceso exitoso aki,' segun Coordinador di stage, Cathleen Gomez-Hernandez.

Actualmente HOH tin acreditacion pe siguiente estudionan: Assistant Business Services, nivel 2, crebo 25724; Allround Assistant Business Services, nivel 3, crebo

25723; Asistente Farmaceutico, nivel 4, crebo 25650 y Enfermeria, nivel 4, crebo 25655. Ademas, ya caba ta den e proceso di acreditacion pa loke ta Medisch electronica y ICT.

HOH ta ofrece posicionnan di practica cu no solamente ta enfoca riba experiencia individual di e estudiante, pero tambe ta stimula desaroyo social mas amplio door di involucra nan activamente den un ambiente educativo y practico. Pabien HOH Academy y pabien Hospital cu un logro mas!

FEDERACION DI AHEDRES DI ARUBA A ORGANISA NAN TRADICIONAL COPA LIBERTADOR BETICO CROES



Aruba – 30 di Januari 2024: Manera ta

customber, Federacion di Ahedres di Aruba (FAA) a organisa nan Copa Libertador Betico Croes 2024 den un 5 round Rapid, na nan cede na Centro di Bario Dakota. Un torneo riba un nivel hopi halto, cu a conta cu un total di 37 participante. Den categoria open e ganadornan tawata: 1st Paul Villalba 2nd Kyell-Jean Antonio 3rd Jose Pesqueira

Demas ganadonan tawata: U-8 Kayleigh Lumenier U-10 Jo-Drick U-12 1st Angel Caupaz 2nd Bhavesh Mirchandani 3rd Harumi Montoya U-14 Santiago Rodrigues U-16



Juan Vergara U-18 1st Thamara Sagastegui 2nd Samantha Aponte 3rd Wignifer Mendoza Best Female Open: Lesley Cielo Federacion di ahedres kier a manda palabra di pabien na tur ganadornan y gradici tur participante cu a contribui grandemente na nos torneo. Tambe kier

a duna un danki special na Presidente di Centro di Bario Dakota Mickael Bikker y su bestuur. Por ultimo, masha danki na Carol Pesqueira y Lazaro Bueno, cual a fungi como organisado y arbitro di un evento exitoso.



1

Prome Minister Evelyn Wever-Croes: PROME MINISTER TA YAMA BON BINI NA MAS DI 30 STUDIANTE DI DIFERENTE PAIS DI EUROPA

Colegio Arubano ta anfitrion pa e proyecto di Erasmus+ Deplastify The Planet

ORANJESTAD – E siman aki ta e siman di Erasmus+ y Colegio Arubano ta anfitrion pa mas di 30 estudiante di diferente pais di Europa entre otro, Belgica, Croacia, Austria, Portugal y Spaña, pa un siman di intercambio pa e proyecto di sostenibilidad, Erasmus + Deplastify The Planet (DTP). Prome Minister Evelyn Wever-Croes diamars 30 di januari mainta, tawata invita pa entrega algun palabra di bon bini na e studiantenan di exterior y nan profesornan y tambe a dirigi palabra na studiantenan di Colegio Arubano cu ta den e

proyecto bunita aki.

E studiantenan ya caba pa algun luna ta trahando riba e proyecto aki y e meta ta pa na final presenta un buki den cual nan ta bay enfoca riba e importancia pa baha e uzo di plastic pa asina garantisar sostenibilidad. E problema di plastic ta uno mundial y na Aruba tambe por wak esaki ora di cana na nos costanan. Hopi sushedad ta bin di otro paisnan di cual hopi ta plastic. Y Aruba mester atende cu e problema aki, un compromiso mundial pa baha uzo di plastic pa evita cu e sushi di un pais yega na costanan di otro paisnan.

Prome Minister a remarca cu Aruba tawata un di e prome paisnan den nos region cu a introduci e



eliminacion di 'single use plastic' y awo ta intensiva e maneho y iniciativanan cu Minister encarga cu medio ambiente Ursell Arends ta trahando riba dje.

Prome Minister a gradici Colegio Arubano pa participa na e proyecto aki e siman aki. "Ta tuma hopi dedicacion, energia y sacrificio pa a logra y mi ta desea nan hopi exito e

siman aki", Prome Minister a expresa.

Prome Minister ta gradici tur estudiante di exterior cu ta participando na e proyecto aki y ta desea nan tambe hopi exito y cu nan bay cas cu un bon impresion di Aruba y e maneho cu Gobierno ta hiba riba e tema di sostenibilidad. E mandatario principal di nos pais a desea nos

studiantenan di Aruba tambe hopi exito. "Mustra e studiantenan di afo kico tur Aruba ta y mi ta sigur cu ora e proyecto aki caba, boso tambe ta wak atras riba experencianan bunita cu lo keda como bunita recuerdo y mas conocimiento riba e tema presenta", Prome Minister a expresa.

Minister Endy Croes:

E DI DIES CONTAINER CU MATERIAL DEPORTIVO A YEGA ARUBA

A tuma luga un demostracion di uzo di e materialnan na e gymzaal di Scol Basico Washington.



Diamars mainta, Minister Endy Croes hunto cu Sport for Children Foundation di Hulanda, Sport for Youth Foundation di Aruba y representenan di diferente

schoolbesturen a bishita e gymzaal di Scol Basico Washington. Manera ta conoci, den luna di december e proyecto di renobacion di e gymzaal



a keda cla, unda a renoba e vloer, a verf e muraya y a drecha e dak. Recien, di 10 container cu hopi material deportivo a yega Aruba. En conexion cu celebracion aki a invita diferente schoolbesturen, unda cu a duna un demostracion di con pa uza e materialnan. Sport for Youth Foundation di Aruba ta un fundacion cu ta trece diferente material deportivo di segunda mano renoba for di Hulanda pa Aruba. Sports for Children di Hulanda ta haci entrega di e materialnan deportivo di segunda mano ful renoba completamente gratis na Sport for Youth Foundation di Aruba. Unabes cu Sport for Youth Foundation di Aruba ricibi e materialnan aki, ta entrega nan na diferente scol y centro deportivo na Aruba.

Sr. Stefan Groothuis, kende ta gerente di logistica di Sport for Children Foundation na Hulanda

a indica cu nan ta busca e materialnan deportivo, drecha nan y haci donacion na e scolnan. Banda di esaki, Sr. Groothuis a indica cu e gymzaal di Scol Basico Washington ta manera un gymzaal mester ta y ta desea di mira mas gymzaal asina na Aruba. Pa conclui, minister di Deporte ta gradici Sport for Children Foundation, Sport for Youth y tur stakeholders cu a percura pa e container y transporte di e materialnan yega

Aruba. Tambe, Minister Endy Croes ta gradici Gobierno di Aruba pa contribui pa por a saca e materialnan liber di impuesto. Di e forma aki Ministerio di Deporte ta contribui pa ekipa gymzaal di e scolnan na Aruba cu materialnan deportivo, pa asina e alumnonan por haya les di gymnatiek (gymles) na un forma mas eficiente. Pabien y hopi exito.



Parlamentario Ricky Hoek (MEP):

MARISOL TA E REINA DI 'GASLIGHTING' DEN POLITICA

Januari 2024: "Si nos analisa e manera di procede di Marisol Lopez-Tromp, nos por saca afo cu e tin un actitud cobarde y manipulativo. Esaki a keda demostra na diferente ocasion durante su carera politico", Parlamentario di Fraccion di MEP, Ricky Hoek a expresa.

Marisol di basta tempo ta buscando tur forma pa bagatalisa y kibra e credibilidad di Prome Minister Sra. Evelyn Wever – Croes. Marisol constantemente na varios ocasion ta muestra su frustracion y trauma cu el a keda expulsa dos biaha for di partido MEP (sin agrega cu el a wordo expulsa for di POR tambe).

Prome biaha ora e tabata Parlamentario di MEP y despues ora e tabata minister den un gobierno di coalicion MEP-RED-POR. Sra. Lopez-Tromp no por procesa e situacion ainda. Esaki ta haci cu Marisol ta uza e tactica di 'gaslighting' pa scapa su mes di su erornan politico. 'Gaslighting' kiermen ora bo ta tira culpa, manipula, culpa otro hende pa kita e atencion for di bo propio responsabilidadnan. Y e tactica aki Marisol ta campeon aden cu e

merece e titulo di 'Reina di gaslighting den politica'. Lista di 'gaslighting' di Marisol

Na aña 2009 Staatssecretaris Sra. Ank Bijleveld a combersa cu Prome Minister Nelson Oduber pa laga haci un investigacion door di e Wetenschappelijk Onderzoek- en Documentatiecentrum (WODC) di e Ministerio di Siguridad y Husticia di Hulanda. E rason ta pa detecta procesonan dudosos cu ta pasa den gobierno. Marisol no a gusta e idea di e investigacion y esaki tabata un di e rasonnan pakico el a bandona MEP. Durante di eleccion 2009 AVP a bin na mando y ta netamente Sr. Mike Eman ta esun cu a firma hunto cu Sra. Bijleveld e peticion pa haci e investigacion di WODC. Den e rapport entre pagina 169-178 por lesa claramente con Marisol tempo cu e tabata Minister di Infraestructura tabata tin procesonan dudosos ta pasa bou di su encargo.

Esaki nan tabata:

- 1) dunamento di tereno erfpacht na particularnan
- 2) Bendemento di casnan

den Seroe Colorado

3) Otorgamento di opcion di tereno pa construi hotel y negoshi. Por bishita www.wodc.nl pa haya e rapport "De staat van bestuur van Aruba. Een onderzoek naar de deugdelijkheid van bestuur en de rechtshandhaving".

Ora Marisol tabata parlamentario di partido AVP, el a gaña y entrega keho falso contra di su colega Dammers. Caminda cu e mes Marisol tabata culpabel. Den e mesun partido AVP, y cu e resultado di e rapport di WODC, Marisol a tapa completamente (te dia di awe) pa su coleganan Sevinger y Croes. E no a entrega keho di corrupcion niun dia na OM contra su coleganan.

Despues cu Marisol a bula cura pa di dos biaha, el a join POR. Den e partido aki el a keda practica su tactica di gaslighting. Pasobra durante caso Diamante e como miembro di directiva di e fundacion di su fraccion di POR, niun dia a entrega keho di malversacion di e fondo cometi pa su colega Howell.

Den e caso Kukwisa, Marisol mes tabata un sospechoso pa 3 aña



largo, caminda e no a sali defende su mes cu e no ta of por wordo considera un sospechoso. Un parti hopi peculiar ta cu OM no a anuncia niun dia cu Marisol tabata sospecho durante di e 3 añanan aki. Esaki ta muestra cu Marisol a haya un trato preferencial riba tur otro politico y cu probablemente mester tin hende cu man riba su cabes.

Actualmente den su partido MAS, su forma di 'gaslighting' a bira mas agresivo, trahando video riba social media bagatalisando diferente hende pa asina e crea un imagen di e politico

perfecto, caminda e tin varios 'strikes' riba su nomber den su añanan di politica.

Awor e pregunta clave ta? Ta ken ta culpa otro hende? Ta ken ta manipula informacion? Ta ken ta gaña pueblo structuralmente? Esaki ta Marisol Lopez-Tromp, un politico di hopi aña di experiencia, tanto como parlamentario y minister, cu sa tur 'ins-and-outs' di e sistema politico y tambe sector gubernamental, y cu awe ta haya e apodo di "Reina di gaslighting den politica", Parlamentario Hoek a finalisa bisando.



HALA ROSEA LIBREMENTE





Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa hume.

Parlamentario Marco Berlis (MEP): PREGUNTANAN NA GOBIERNO RIBA E TEMA DI “NO MORE HOTELS”!

Mirando cu pueblo tin asina hopi pregunta, cuestionamento y preocupacion cu e situacion di construccion di hotelnan, mi a manda algun pregunta pa minister encarga cu infraestructura, Minister President mr. Evelyn Wever-Croes. E preocupacion di pueblo ta na su lugar y e mensahe cu mi ta capta riba e medionan social ta cu tin falta di informacion y claridad den pueblo pa cu e tema. E insinceridad politiconan den oposicion no ta yuda pueblo tampoco pa compronde e situacion actual y kico realmente y kico a wordo haci caba pa minimalisa e construccion di hotelnan. Permisionan duna ta data di e gobierno di AVP 2009-2017.

E realidad ta cu a duna basta hotel pa construi un cantidad di mas o menos dies mil camber durante di e gobierno catastrofico di AVP. Esaki tambe hopi hende sa, pero cu algun hende y AVP mes kier sconde. Dicon? Pasobra nan sa

e consecuencianan di esaki. Ya e tempo ey tabata tin peticion di pueblo pa stop di traha mas hotel, pero esaki no a wordo scucha. Mirando cu esaki ta un tema importante pa pueblo mi a haci minister president e siguiente preguntanan:

1. Minister por informa Parlamento cuanto tereno pa hotel a wordo otorga desde 2009-2023?
2. Minister por informa nos cual tabata e ministernan cu a firma y entrega e terenonan aki pa e hotelnan en cuestion?
3. Minister por a informa Parlamento cuanto camber di hotel a wordo entrega permiso y entrega tereno pe entre 2009-2023?
4. Minister por a resumi cuanto hotel y camber gabinete Wever-Croes-I y II a logra cancela den su esfuerzo pa minimalisa e cantidad di hotel y camber adicional na nos país entre 2017-2023?
5. Minister por menciona e nombrenan di hotelnan cu a



logra wordo cancela pa e gobierno actual?

6. Minister, cuanto contract di hotel y camber keto bai tin permiso pa wordo construi sin cu esakinan a cuminsa ainda cu e construcción? Por menciona cuanto camber nos ta papiando di dje akinan?
7. Minister, cuanto lo costa país Aruba pa cancela un di e contractnan di hotel ainda?
8. Minister, nos tur ta di acuerdo cu nos no kier mas hotel y cu Aruba tin suficiente. Cual ta Minister President su opinion riba esaki?
9. Minister, con bo ta wak Miguel

Mansur su iniciativa pa “benta hotel abao?”

10. Minister ki consecuencia e lo tin pa país Aruba si ta cuminsa cancela erfpacht di hotelnan cu kier renoba/extende e duracion di esaki?

11. Minister, ki consecuencianan lo tin si inversionistanan lo tende cu Aruba ta cuminsa tumba hotelnan abao?

Den e maneho nobo di gobierno nos a wordo informa cu gobierno lo tuma un maximo di tres siman pa contesta e preguntanan di cualkier parlamentario. Manera cu mi ricibi e contestacion di minister president mi lo comparti esaki cu pueblo pa asina pueblo por tin claridad y informacion concreto riba e tema di “no more hotels.”

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

1

Prome Minister Evelyn Wever-Croes: HOLLAND AMERICA LINE CONMEMORANDO 150 AÑA DI EXISTENCIA

Dialuna 29 di januari Prome Minister Evelyn Wever-Croes hunto cu Minister di Turismo Dangui Oduber tawata di bishita riba e barco Rotterdam di Holland America Line cu ta celebrando 150 aña di existencia y di cua pa 65 aña ta bishitando Aruba. Prome Minister pa e ocasion aki a felicita nan pero primordialmente a gradici nan pa kere den Aruba den bon y den menos bon tempo. Apesar cu e pandemia di covid a afecta e industria crucero enormemente, e mandatario ta contento

di wak cu Aruba por sigui conta cu nan y danki na partners asina Aruba su economia ta recuperando y cada bes ta mas fuerte. Despues di e ceremonia Prome Minister y Minister di Turismo a haya un recorrido masha interesante den e barco y a keda impresiona cu e parti operacional di e barco Rotterdam. E ‘waste management’ ta wordo maneha pa un “incinerator”, cu ta significa cu niun desperdicio ta keda na niun pais, e barco tin un planta di awa y ta procesa su mesun awa parecido



na un WEB chikito y nan sistema di coriente, yama “camara di energia”, ta uno impresionante.

Rotterdam ta e barco mas nobo di Holland America Line y a wordo construi

durante e pandemia y tur barco construi despues lo tin e mesun sistema di waste management, planta di awa y camara di energia. “Mi ta felicita Holland America Line cu nan 150

aña di existencia y sigur pa e 65 aña biniendo Aruba y sperando cu nos por sigui conta riba nan pa hopi aña mas”, Prome Minister a expresa.

MINISTER ENDY CROES TA FELICITA E GANADONAN DI POWER SOCA 2024



Diadomingo marduga, riba e di dos anochi di e festival, Aruba a conoce su Power Soca King 2024 di Carnaval 70. Un total di 15 banda y 27 cantante a participa den categoria Power Soca. Minister Endy Croes y colega Minister Xiomara Maduro tabata presente na Aruba Carnival Village pa duna sosten y apoyo n'e musiconan y pa engrandece e festival. Den careda di 3 or di marduga Stichting Musica a anuncia e ganadonan di e anochi. Minister Endy Croes hunto cu colega Minister Xiomara Maduro tabatin e honor pa entrega e premionan n'e ganadonan di Power Soca 2024. E ganado absoluto di Power Soca 2024 ta Carl Roosberg Jr. (Galloway) di e banda Tsunami.

Na di dos lug a resulta Carlmichael Richardson

(M.I. K.E.Y.) di e banda Youth Xtreme y trecer lug a bay pa Bradley Vesprey (Easy B) di e banda Tsunami. E premio di Rookie of the Year a bay pa Agmyr Vesprey (Big Reckless) di e banda Tsunami. Tsunami a bay cu mayoria premio e anochi aki. Pa conclui, Minister Endy Croes ta felicita Stichting Musica pa organisa Aruba Caiso y Soca Monarch 2024.

Alabes e mandatario di Enseñansa y Deporte ta felicita tur musico y cantante cu a briya riba escenario y ta gradicinan pa deleita Pueblo di Aruba cu nan excelente canticanan. Minister Endy Croes ta desea Aruba un dushi temporada di Carnaval 70. Ban celebr'e conscientemente. Pabien na e ganadonan!



CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Prome Minister Evelyn Wever-Croes: XAVIER UNIVERSITY TA SIGUI CU INVERSIONANNAN GRANDI DEN EDUCACION DI ARUBA Y TA ANUNCIA FACULTAD DI ESTUDIO VETERINARIO



Recientemente representantenan di Xavier University School of Medicine tawata di bishita cerca Prome Minister Evelyn Wever-Croes y a duna e mandatario un actualisacion di e desaroyonan na e Universidad.

Xavier University ya pa varios aña ta haciendo inversionnan grandi den nos pais Aruba. Ademas di e edificio di e scol, tambe a traha facilidadnan deportivo, campus y na e momento aki ta trahando riba un auditorium

sumamente moderno.

E representantenan di e Universidad regularmente ta tene Gobierno na altura di e inversionnan, retonan y logronan y semper a demostra di ta un partner den desaroyo di Aruba den temponan bon y menos bon.

Actualmente Xavier University ta duna dos estudiante Arubiano e posibilidad di studia medicina cu tur gasto cubri pa e Universidad y tambe ta ofrece becanan pa studiantenan local. Cu esaki tambe ta brinda mas oportunidad pa nos hobennan studia den nos



region.

Tambe a wordo anuncia cu a cuminsa cu e facultad di estudio veterinario y den e cuadro aki e Universidad tin contacto regularmente cu otro ministernan di Gabinete Wever-Croes II.

Prome Minister a gradici

e representantenan di Xavier University School of Medicine pa e bishita, pa e confiansa deposita den nos Pais y pa tur e inversionnan cu nan ta haciendo den nos economia y a desea nan hopi exito.

Parlamentario Ricky Hoek (MEP): MEP TIN SU OPINION RIBA CORUPCION DEN PARTIDO Y TA DENUNCIA ESAKI

, Aruba 30 januari 2024: Parlamentario di Fraccion di MEP, Ricky Hoek a duna di conoce cu Partido Movimiento Electoral di Pueblo (MEP) ta un partido social-democrata caminda cu mensualmente tin su consejo di partido y ta atende cu tur topico. Corupcion y corupcion den partido sigur ta wordo debati durante di consejo di partido. Y esaki ta solamente partido MEP ta eherce compara cu otro partidonan politico.

Recientemente a bin den noticia un biaha mas e caso di Aruba Huis caminda e ex-director a keda deteni. E detencion aki parece di a inspira algun periodista y politico pa celebra cu tin caso di corupcion den partido MEP. Ta parece cu awor diferente caso di corupcion ta liga na MEP, caminda cu cada partido politico mester para responsabel pa nan hechonan. Manipulacion di

noticia ta loke e periodista y politico nan aki gusta haci, pa desvia pueblo di e berdad tras di nan mes. MEP ta denuncia corupcion

Hoek a agrega cu MEP ta e UNICO partido politico cu ta denuncia corupcion, sea esaki ta den su mesun seno, cerca un otro partido politico of den aparato gubernamental. Ta partido MEP a bin cu e leynan di integridad, screening di ministernan, relato financiero di cada candidato politico y financiamiento di partido politico.

Cu e leynan aki, por controla inmediatamente si tin irregularidadnan sea cu un candidato politico, un minister, un partido politico y of otro den un otro sector gubernamental. Banda di esey a bin cu e ley di Ombudsman, caminda cu un ciudadano ta sinti cu su derecho a keda atacha, e

por pidi pa ayudo huridico cerca e Ombudsman.

Pa ta specifico den e caso Tulipan (Arubahuis), mester accentua cu ta nos propio Minister President sra. Evelyn Wever-Croes y cu ta forma parti di partido MEP cu: 1) a pidi pa investiga e irregularidadnan den Arubahuis 2) a duna Parlamento di Aruba tur informacion riba e caso y 3) a entrega keho contra propio ex-colega di partido.

Diferencia di actitud entre MEP y otro partidonan politico MEP ta e partido cu a demostra di tin un actitud pro-activo y contra corupcion na cualkier nivel. MEP a hisa e standard pa cu integridad. Cosnan cu antes tabata masha normal den politica, nos mes a expone pasobra nan no ta normal mas.

Pero en cambio, partidonan manera AVP, MAS, Accion21 y un parlamentario independiente te dia



di awe no a cuestiona casonan di mega corupcion cu a y ta afectando nos pais drasticamente.

E actitud mas importante ta, cu ora bo ta sospechoso y of culpabel den caso di corupcion, bo ta retira voluntariamente di bo puesto. Esey politiconan di MEP sa haci, pero no por bisa asina di esnan di otro partido.

Esun cu kier celebra corupcion den MEP, mester cuminsa papia di nan propio corupcion prome, Parlamentario Ricky Hoek e declara.

Cupcake di Speranza 2024 dedica na Baby Jeremiah y Famia Rasmijn

GLW Foundation ta organisando pa di 9 aña consecutivo su benta di cupcake

“Cupcake di Speranza”.

Manera ya a bira un tradicion, GLW Foundation organisador di Miss Teen Aruba

International y Turismo Mundial ta organisa e di 9 edicion di su popular “Cupcake di Speranza”.

E aña aki nos ta dedica nos benta na Baby Jeremiah y Famia Rasmijn.

Baby Jeremiah ta un baby di apenas 3 luna cu mester a wordo hiba Colombia pa asina

haña tratamento pa salba su bida. E baby aki a nace cu “Tratalogia di Fallot” y ta den

exterior pa su salud y famianan mester mas fondo pa caba di paga full su tratamiento. Y

tambe parti di loke nos lo recauda lo yuda tambe Famia Rasmijn cu a perde tur cos na

nan cas cu a kima na final di aña 2023. E pareha ya caba di edad a ricibi basta quemadura pero danki Dios nan ta cu bida y nos lo kier yudanan cu loke nos por.

Pesey mes GLW Foundation cu su lema semper “Mas cu un certamen di beyeza” lo ta organizando e Cupcake di Speranza pa diana 13 y 14 di February 2024.

Aki ta unda companianan y tambe individualnan por bestel cupcake den e

forma

simbolico di 5 florin pa Cupcake y di e forma aki tambe yuda cu e bon causa aki.

Minimo pa order ta 10 Cupcake y por bestel cuanto cu ta desea.

Pa bestelling por manda un whatsapp of yamanos na 561-61-51 y haci bo pedido.

Na number di famia di Baby Jeremiah y tambe Famia Rasmijn, henter famia y nos

organizacion di GLW Foundation MASHA MASHA DANKI. Tambe bo por haci un

donacion si ta desea esaki na e cuenta di bancario (por comunica cu nos pa mas

detaye con abo tambe por



yuda.

Nos team di repartidornan lo parti e cupcake nan aki diana 13 y 14 di February tanto

na cas y tambe na companianan.

Masha masha danki di antemano pa bo colaboracion.

Cu tristesa den nos curason pero agradecido pa tur locual ela significa pa nos.

Fundacion Facilidadnan Deportivo ta anuncia fayecimento di:



Edgard “Dongo” Croes

* 26 januari 1979 – † 27 januari 2024
Na bida empleado di FFD di 2012 pa 2024

Directiva, Staff y Personal di Fundacion Facilidadnan Deportivo ta expresa su mas profundo condolencia na famia di nos kerido colega.

Cu Dios duna e famia forza den e tempo dificil aki.



Miembro Independiente di Parlamento Rycond do Nascimento

E pensamento a largo plaso ta e solucion

29 di januari 2024



Nos antepasadonan a enfrenta temponan hopi dificil. Tabata dificil pa planta diferente tipo di berdura y bestia pa motibo di nos clima y e escasez di awa. Den e circunstancianan dificil aki, bo mester di un sentido di responsabilidad y un strategia di largo plaso pa por bin na solucionnan berdadero. Asina nos antepasadonan a traha duro experimentando cu diferente tipo di berdura. Cu determinacion pa sobrevivir, nan a descubri cu pinda, maishi y bonchi por crece bon na Aruba. Especialmente maishi rabo, cu su tempo di crecimiento di corto di shete siman, ta crece bon den e condi-

cionnan local. Manera cu mas hende a cuminsa dedica mas tempo na planta e cosnan aki, nan a cuminsa haya mas conocimiento y experiencia den nan plantamento. Especialmente na Noord, Seroe Cristal y Hooiberg, tabatin hopi plantacion di pinda. Ta danki na e aplicacion di metodonan avansa cu plantacion di maishi a bira un fuente stabil di cuminda y entrada. E cunuco a bira parti vital di nos economia: maishi y bonchi tabata sirbi como cuminda, mientras cu pinda tabata sirbi pa cumpra paña y paga debe. Asina, agricultura a bira un parti vital di nos sociedad. E deterioro desde industrializacion y turismo Cu e yegada di e refineria di Lago durante e decada di 1920 hende poco poco a cuminsa perde e vision a largo plaso for di bista. Sin embargo, ta te ora Status Aparte a yega nos politiconan a lubida e vision a largo plaso por completo. Nos politiconan a cambia e pensamento a largo plaso pa un mente limita na corto plaso.

Desde 1986, nos politiconan a comporta nan mes manera mucha mimo cu kier come tur mangel de inmediato y cu no por warda un momento adecua. Nan enfoka tabata pa obtene mas voto posibel y gana eleccion pa asina yega na poder y mantene poder. P'esey nan tabata kier mas y mas turista y camber di hotel den un tempo cortico. Nan mente limita no por a pensa riba e consecuencianan di un crecimiento descontrola di turismo. Nan modelo politico ta populista y a corto plaso. Esey nos por mira den e manera cu nan kier hunga cu e sentimentonan di personanan cu ta pasa den dificultad financiero. Ta falta di vision a largo plaso ta caracteriza e forma cu e cartel AVP-MEP a goberna nos pais desde nos Status Aparte. Nan no a haci nada pa construi un sociedad cu ta brinda oportunidad pa salarionan mas halto. A pesar di e tecnologianan mas moderno, AVP y MEP a descuida nos sector primario por com-

pleto. A pesar di e potencial di nos poblacion, nan a sabota enseñansa pa nos sociedad keda bobo y keda come for di nan man. Ademá, nan a creayen problema

social door di e crecimiento descontrola di turismo. Problemanan cu ta nace for di cuponan di trabao cu ta relativamente mal paga y cu tin horarionan di trabao largo y iregular.

E pensamento a corto plaso a yega su punto maximo den e periodo di 2001 te cu 2017. Ta e pensamento a corto plaso a activa e responsabilidad di Hulanda pa interveni na 2015. Pa medio di supervision financiero Hulanda a obliga nos politiconan pa desaroya un vision financiero a largo plaso. Mediante e Landspakket 2020, Hulanda a obliga nos politiconan pa traha riba un vision a largo plaso pa e aparato gubernamental, enseñansa, cuido y husticia. E mensahe ta claro: recuperacion di nos autonomia solamente ta posibel si nos adopta un pensamiento a

largo plaso.

Bay bek na norma y balornan tradicional

Si nos pensa bon, nos no tabatin mester di Hulanda pa bisa nos loke nos sa caba: un vision a largo plaso ta esencial pa exito sostenibel. Nos antepasadonan a siña nos cu crecimiento y desaroyo ta procesonan a largo plaso pa cual no ta existi short cuts. Nos mester siña nos hubentud cu pasenshi y determinacion ta e solucion pa hiba nos Pais dilanti. Nos politiconan mester bandona e hamber pa poder descontrola cu ta hiba un vision hopi limita. Ta hustamente e mentalidad aki a conduci na corrupcion y, finalmente, na pobreza. Ta e pensamento a corto plaso di e cartel AVP-MEP cu a crea miedo y desconfianza pa cu Hulanda. Sin embargo, un relacion solido y estrecho cu Hulanda basa riba igualdad lo conduci na un economia cu ta ofrece mas oportunidad pa e clase trahado, un miho sistema di enseñansa y na un sociedad cu menos desigualdad economico.

KIA PICANTO A BOLTER Ariba WVB den e auto tawata tin un baby



Watty Vos Boulevard - Diadomingo anochi den careda di 7'or, un poco mas pabou di e brug di Hato direccion Bushi a sosode un accidente. Informacion a drenta cu

un auto a bolter ariba WVB y lo tin dos persona herida. Na yegada di polis, a bin topa cu un Kia Picanto color cora ariba su banda. Banda panort di caminda;

por a mira cu e impacto tawata contra e vangrail. Un impacto fuerte, mirando con e hero di e vangrail a keda.

Den auto tawata tin un famia, un un pareha cu nan baby cu a mas cu claro a pasa den un susto grandi.

E vehiculo bayendo direccion rotonde Bushiri a perde control y dal contra e rail panort y despues bolter.

Polis di trafico a presenta



y tambe ambulance. Caminda a wordo cera for di rotonde Ponton. Paramediconan a opta pa bay cu e famia Hospitaal pa mas

observacion.

Nan tawata muestra ok e momento eynan, e baby tawata spanta y tawata yora bastante.

3 PERSONA DETENI PA UN CASO GRANDI DI IMPORTA Y BENDE DROGA



Unit Narcotica no ta drumi y ta trahando duro riba diferente caso. Desde luna di november Unit Narcotica ta investigando un caso grandi di droga. Ta trata di un grupo criminal cu ta importa y vende droga na Aruba.


Polis a detene muhe cu a yega cas burachi y tabata molestia famia na Piedra Plat



Diabierna anochi a drenta informe di cu un muhe lo a yega cas burachi y tabata molestia e famia, mesora a dirigi un patruya na e sitio. Na yegada di e patruya a bin encontra un muhe cu lo tabata bao influencia cu tabata haci fastioso na e cas. Polis a purba papia cu e muhe pero sin resultado positivo y a yega na e conclusion cu bay pasa anochi den cel ta e unico remedi y a detene y pidi e vehiculo di transporte pa asina hib’e na warda di polis.

Durante e investigacion Unit Narcotica a detene diferente sospechosonan. E sospechosonan ta: un homber di inicial J.E.M. naci na Republica Dominicana 28 aña di edad. Un hende muher di inicial J.M.M.M naci na Republica Dominicana 29 aña di edad tambe a detene e homber di inicial M.L.S. naci na Merca 67 aña di edad como sospechoso den e dicho caso aki.

Durante e investigacion aki a haci dos entrada hudicial, unda a haña y a confisca un cantidad di placa como tambe diferente tipo di droga. E caso grandi aki keto bay ta den pleno investigacion. No ta descarta cu lo tin mas detencion den e dianan nos dilanti. Cuerpo Policial ta haci un apelacion pa e persona cu sa algo of a wak algo yama e tiplijn di polis cu ta 11141



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

EMAN TA INSPIRA REVITALISACION INSTITUTO SCIENTIFICO MITO CROES



Institutonan cu ta acesora y conseha partido AVP un pa un ta conociendo un proceso di revitalisacion importante. Algun luna pasa a institui un Directiva nobo pa e instituto cu ta percura pa formacion politico, Fundacion Digna Lacle Herrera

FDLH bao dirigencia di hoben hurista y entrepreneur Ichelle Oduber Simons. Corto

despues FDLH a percura pa un serie di cursonan cu a acapara un cantidad di tema

hopi importante pa un persona interesa den conocemento di politica y servicio

publico. Mas di 25 persona a completa e curso aki y dentro corto lo inicia un otro

serie di curso di formacion. E biaha aki ta aspec-tonan practico pa locual ta trata e

proceso electoral y campanja. Lider di Partido, mr. Mike Eman ta duna un empuhe

grandi na e revitilisacion aki y ta muestra cu esaki semper tabata e forza di conocemento y motivacion den teamnan di AVP cu a haci cosnan grandi pa Aruba.

Den e cuadro aki tambe Eman y un delegacion di AVP a bishita na December

ultimo e hala scientifico di CDA na Hulanda pa haya cooperacion pa revitalisa e cooperacion entre e halanan scientifico di AVP y esun di CDA. Tambe pa e proceso

aki mr. Mike Eman a logra di inspra un cooperacion nobo pa realisa e revitalisacion di Fundacion Mito Croes, instituto pa estudionan social-cristian

Aruba. Cu e animo renoba aki a realisa un directiva nobo pa Fundacion Mito Croes

bao guia di un hoben profesional, John Hart y cu miembronan nobo profesional

den e directiva: medico Noreen Vingerhoedt, maestro di school Giovanny Christiaans, politicoloog y logistic manager, Aad Jan de Gruil, business & maritime

-consultant Josephine Lacle, experto financiero Jonathan Sjiem Fat y profesional

den educacion y veterano den politica como consehero di e fundacion, Rene Herde. E moderadora pa e

anochi exitoso aki tabata maestra Otami Thomasia. Ambos aspecto, e revitalisacion di e relacion entre e

hala scientifico Mito Croes y e hala scientifico di CDA

y tambe e renobacion di e directiva di Fundacion Mito

Croes a bini hunto den un forma sumamente inspirativo cu un anochi di instalacion di e directiva nobo, combina cu un lectura di un huesped special di e

hala scientifico di CDA. Esaki tabata den e personalidad di e director di e hala

scientifico di CDA, Pieter Jan Dijkman.

Tanto den su presentacion, e scientifico di maneho publico y politica, Pieter Jan Dijkman, a accentua e proceso cu e a inicia cu e lider di AVP, mr. Mike Eman pa revitalisa e lasonan y tambe e profundisacion di e valornan y principionan grandi

di e ideologia social-cristian comun cu e dos partidonan ruman tin. Y mr. Mike

Eman di su banda a muestra con cooperacon cu e hala scientifico di CDA historicamente a contribui grandemente na estudionan y maneho profesional cu

partido AVP por a conduci pa Aruba. Den esaki tambe e dos dirigenten a accentua e atencion special cu nan lo duna na desaroya conhuntamente ideanan

nobo basa riba e BON COMUN como e luz di guia. Den tur tres lecturanan di e

anochi aki di Fundacion Mito Croes, di John Hart, Pieter Jan Dijkman y mr. Mike

Eman, por a sinti e motivacion y dedicacion revitalisa pa duna pueblonan un

avenida alternativa atrobe basa riba e principionan di BON COMUN. Ta obvio for

di e exitonan recien cu e proceso cu mr. Mike Eman a inicia den su partido y cu institutonan cu ta asesora e partido ta inspirando un animo di revitilisacion importante pa e partido y Aruba.

Clasificados

SOLODIPUEBLO@GMAIL.COM
CEL. 585 9500

FOR SALE

Computer set consisting of

Computer 232 GB HD Duo Core Intel
On Win Xp 2.96 GB ram, Dell monitor 23
inch, keyboard, Speakers, Webcam plus

Voltage Regulator

For only awg 150.00

Tel 5972155

FOR SALE

FOR SALE

Office items

Cuadra grandi 60x40 x 4" deep with lights&sound	150.00
or best offer	
4 drawer steel file cabinet, can be used for tools too	350.00
2 drawer steel file cabinet	150.00
1 clothes cabinet	100.00
Metal storage cabinet with key 6 ft heightx3ft wide	350.00
home items	
Airco compressor aluminum bracket new	40.00
Camara Polaroid one 500 model	50.00
Minolta super 8 sound projector with 23 films	200.00
Tools	
Heavy duty ampere meter	75.00
For more info 5972155	

FOR SALE

FOR COLLECTORS

Old baseball cards		350.00
4400 pcs Aruba telcards		400.00
5 complete albums world cup		
panini stickers, 2006 t/m 2014		500.00
28 Factory sealed Alvarez Guedes		
jokes cassettes		280.00
Blank cassettes	60 & 90 min	5.00 each
DVD casings		gratis
1944 Curacao silver Rijksdaalder		best offer
100 gram pure silver bar		best offer
All in excellent condition		

tel 5972155

Hasi control di Pispis pa e no causa daño na bo mata di Papaya

Papaya Mosaic Virus (PMV) Papaya Ringspot Virus (PRV)

Na multiple ocasion kisas canando den bo cultivo bo ta mira bo matanan cu tipo di plaga cu por causa daño na bo cultivo of kisas tambe nan por transmit otro tipo di malesanan di mata cu abo no por imagina. Bo ta pensa tin ora ta di unda e malesa of e plaganan aki ta bin y sigur bo lo no tin un respuesta pa e problema cu ela causa ni tampoc con pa combati'e. Claro si bo laga esaki sali for di man e por caba cubo cultivo den algun siman. Tin biaha e por bai di un malesa pa otro ta dependiendo di e tipo di cultivo cubo tin. Como departamento responsabel Departamento di Agricultura, Cria y Pesca Santa Rosa tin e deber di informa productornan local riba cualkier plaga of virus cu por causa daño nan na cultivo. Sigur un di e virus nan cu ta activo den e ultimo temponan aki por ta e Papaya Mosaic Virus (PMV) y Papaya Ringspot Virus (PRV) Pispis

Number comun y number científico; Number na Papiamento "Pispis", Spaño Cochinilla Rosada, Cochinilla Hibisca, Ingles: Pink Mealy Bug, Pink Hibiscus Mealy Bug, Grapevine Mealy Bug, Grape Mealy Bug, Hulandes: Rose Wolluis, Number Científico: Maconellicoccus Hirsutus.

Origen y aña constata e Plaga

Origen di e Pispis aki ta for di India. Pa prome biaha constata den Caribe na Grenada na aña 1992. Na aña 1996 na St. Maarten y na July aña 1997 na Corsow. July 1997 na St. Eustatius y igualmente

na Aruba na 1997.

Siclo

Pispis tin un ciclo di bida no comun y compleho cu ta dunanan e habilidad pa multiplica den tempo relativamente corto populacion masha grandi. Nan por sobrevivir periodonan di segura como webonan fertiliza cu ta wordo pega na retoñonan of otro parti di mata. Ora cu tin crecimiento di blachinan nobo ninfanan por sali for di e webonan y ta bira Pispis adulto sin hala y cu nan ta cuminsa produci otro ninfanan bibo mesora manera "Parthenogenetico (sin fertilizacion)"Tur ninfa ta femenino cu ta bira adulto mas liher. Un Pispis adulto por produci 80 ninfa bibo den 18 dia y na mes momento tur ta bira adulto den 5 dia, y na nan turno nan ta ripiti e ciclo. Por tin 10 of 12 generacion durante e tempo di yobida. Si e poblacion bira denso un generacion por desaroya hala y muda pa un otro mata anfitrión no infesta.

Daño di Papaya Mosaic Virus (PMV) y Papaya Ringspot Virus (PRV)

E tipo di Pispis aki di color blanco ta concentra mas bou di e blachi mata di Papaya. Aki ta caminda cu nan ta hinca nan puy den e blachi di e mata y asina evita cu e contenido sigui pa desaroyamento di e blachi y nan ta chupa e contenido. Hunto cu e chupamento di e contenido di e blachinan nan ta trasmiti e virus cu ta "Papaya Mosaic Virus" y e Papaya Ringspot Virus. E Papaya Mosaic Virus ta afecta e blachinan di

Papaya caminda cubo por nota cu e blachinan ta

cuminsa haya varios mancha (spotnan) geel cual ta causa e Papaya Ringspot Virus. Esaki ta causa tambe cu e blachinan ta cuminsa deforma y muestra dobra y machica. E manchanan aki ta aparece riba e fruta tambe. Ta causa retardacion di crecimiento di retoño, flor y fruta y declinacion di vigor di e mata. Tur e tipo di mata cu ta di famia "Solanacea" ta haya e tipo di vuris aki manera entre otro, Tomati, Promenton, Berehein, E vuris aki di PMV y PRV por reduci e produccion di e fruta di Papaya te na 85%. E tipo di virus aki cu ta wordo causa dor di wordo transporta via di vruminga pa otro matanan cu ainda no tin e virus. Pesey ta bon ta observa bo matanan hopi bon y mantenenan liber di Pispis y tambe vruminga.

Control

E malesa di virusnan aki di Papaya Mosaic Virus (PMV) y Papaya Ringspot Virus (PRV) no tin cura. Mester elimina y deshasi di e matanan contagia completamente. Mester coba y kita e mata completamente for di den suelo y evita pa malesa sigui plama na e otro matanan den vecindario. Dado caso si ta bai corta e mata mester cort'e mas tanto posibel pareu cu suelo. Mester kima tur locual cu wordo corta of ranca for di suelo pa caba cu e virus. Pero manera tur hende sa cu no ta permiti pa kima. Te na e momentonan aki no tin ningun tipo di pesticida biologico pa combati e virus aki. Pesey lo ta hopi



bon pa controla bo matanan regularmente riba e sintomanan cu e virusnan aki pa evita cu e situacion sali for di man. Mantene tambe bo hermentan limpi si dado caso bo a uza e hermentnan aki riba un mata infesta percura pa desinfecta esaki prome cu bai uze riba un mata no infecta. Por haya pesticidanan cu por combati e Pispis na prome instante cu ela wordo detecta riba bo mata. Entre otro

por uza cu insecticida (M-pede), Malation, Diazinon, Lannate y Dimethoat (Rogor Blue). Tene na cuenta cu ningun di e pesticidanan ultimo menciona no ta obtenibel na Santa Rosa. Pa cualkier pregunta por tuma contacto cu Departamento di Agricultura, Cria y Pesca Santa Rosa libremente na tel: 585-8102 of por manda nos un email na info@santarosa.aw.

PRONOSTICO DI TEMPO

VALIDO TE DIARANSON 31 DI JANUARI 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO PASAJERO

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

POTENCIAL DI AWACERO PA PROXIMO 24 ORA:

1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA

TE BASTA FUERTE, FUERTE DEN RAFAGA;

TEMPERATURA (GRADO CELSIUS) MAX / MIN LO TA: 32 / 26

Señor ta mi Wardador, mi’n tin falta di nada; Den cunuku di yerba berde, E ta pone mi sosega.
E ta hiba mi na awa trankil, pa mi bolbe haña forsa.
E ta guiami den caminda drechi fiel na su number.” Salmo 23

Cu dolor na nos curason pero conforme cu Dios su boluntad nos ta anuncia fayecimento di nos ser stima:

Reynaldo Quant

Miho conoci como “ Rey” of Buchi Rey.

*16-02-1945-†20-01-2024



- Na number di su :
Mayornan : †Eleuterio y †Juanita Rosel
Sra: Aura Lucilla Quant-Dubero
Yiunan : †Georgino Quant y yiu
Soraida Quant y yiunan
Rumannan: †Chichi y yiunan
†Chow y famia
†Gregorio Quant y yuinan
†Nito rosel y Gloria Boekhoudt y yiunan
Sita y Tom Toppenberg y yiuinan
Robby y Daniel Javier Gomez Milan- Rosel
Nietonan : Rayshard Albertsz y Joally Dirksz
Shakira Quant y Jeanpol Peña
Rayshaline Albertsz
Sorrien Quant y Joel David
Jorvin Leon
Bisanietonan : Shawndrick, Rayqzion, Joannly, Jodrick, Raychardson, Jeanysienne
Sobrina (o)nan :

Doris Quant y famia
Jesusita y Sandro y yiunan
Mariska y Frido Faro y yiunan
Minouska y Johnny Falcony y yiunan
Adrie y Nadjesca Rosel y yiunan
Robert y Marie Rosel
Herbert y Dessi Toppenberg y yiunan
Tur su primo Rumannan
Suegro y Suegra : †Maria y Carlos Dubero
Cuñanan: † Betty Croes-Dubero y yiunan
Carmen de Cuba- Dubero y yiunan
Tensia Rosel y famia
Famia Mas pega :

Susanna Engelén Na Hulanda
Selma Geerman- Ras y Esposo y yiunan
Francisca Dirksz
Mercedes Dania- Figaroa
Edwin y Margot Chirino y famia
Jeanette Arends
Mito y Flora Leon

Tur bisiñanan, conocirnan,su ex coleganan di air-
port.

Famianan : Quant, Dubero, Rosel, Toppenberg, Al-
bertsz, Flanegin, Dirksz, de Cuba, Boekhoudt, Far-
ro, Vlaun, Dabian, Leon, Werleman, David, Croes,
Hermus, Peña, Carolina, Maduro, Paesch, Figaroa,
Shuillenburg, Engelen, Rijdsdijk, Brizeño, Ras, Geer-
man, Falconi, Solognier, Vrolijk, Geerman, Kock,
Chirino , Tujeehut, Gomez Milan, Lampe, Curiel,
Koolman,Peterson, Willems, Hansen, Cristina, Wev-
er, Arends, Ridderstap, Winklaar , Kelly.

Famianan na Venezuela :

Hermus, Medina, Cossi, Salazar,

Na Orlando famia Carvajal y Salazar.

Amiga di Cas : Zahaira Ridderstap

Oportunidad pa condolencia y Acto di Entiero lo tuma lugar :
Diaranson 31 Januari 2024 Na misa Inmaculada Concepcion na Sta Cruz di 2 or pa 4 or sigui pa
Santana Catholico de Vries na Sta Cruz.

Nos kier pidi nos disculpa si den nos tristeza nos por a lubida algun famia of conocirnan.

Despues di entiero nos lo no ricibi bishita di condolencia na cas.

“Dios ta stima mi, pesey e ke pa mi bay
cerca dje”

Nos ta anuncia cu:



JOY RAGHUNATH

a cambia loke ta temporal pa loke ta eterno.

San Nicolas, 6 augustus 1952 – Oranjestad,
25 di januari 2024

Den nomber di Charitto Chavez, su compañera pa mas cu 27
año, su yiunan Isadora, Ricardo, Marianna y su nietonan
Sebastian, Anton, Bruno y Renée

Joy su rumannan:

+ Reno y famia
+Iwan y famia
+Irving y famia
Lloyd y Ria y famia
Glenda y famia
Dennis y famia
+Melvin y famia

Su subrinanan:

Kaveri Raghunath
Gay Sherida Spellen y Shamika Mathilda
Yadira Raghunath na Corsou

Su yiu sin dolor:

Jorrick Briesen
Picasso su chihuahua cu a duna tanto amor y cariño.
Nos ta invita, segun Joy su deseo, pa bin comparti na un acto
di celebracion di su bida.

Mirando cu e ta bay ta un celebracion, suplica ta bay pa por
fabor no bisti paña di luto.

Celebracion lo tuma luga na Aurora Funeral Home
diabierna, 2 di februari 2024 for di 2’or te 4’or di atardi.

Boso presencia lo ta altamente aprecia.

Cremacion lo tuma luga den circulo cera.

“Señor ta mi wardador, mi’n tin falta di nada.
Den cunucu di yerba berde e ta ponemi sosega.

E ta hibami na awa trankil,
pa mi bolbe haña forza”.
Salmo: 23

Cu dolor na nos curason, nos ta participa
fayecimento di nos ser stima:



Sra. Isidoria M. Rasmijn-Tromp

Cariñosamente yama “Chima”
*15-05-1954 - †29-01-2024

Acto di entiero lo wordo anuncia despues

ORACION DI DIA

**Un feliz dia yena di bendicion y colma cu
hopi fe y confiansa den nos Bon Dios**

El a bisa nan:..... ”Pakico boso tin tanto miedo
asina? Ainda boso no
tin fe?” (Marco 4, 40)

Confiansa. Un palabra cu nos conoce bon. For di
chikito nos a siña confia nos mayornan. Sin pensa,
di biaha nos ta kere nan, pasobra nos sa cu nan
ta stima y cuida nos. Segun cu tempo pasa, nos ta
crece y ta topa hende den nos caminda di bida cu
kisas a defrauda nos. Nos ta cuminsa duda den e
sinceridad di hende. Y perde confiansa y speransa
den Dios. Tambe nos tin miedo di faya y miedo cu
otro hende ta faya nos. E discipelnan a duda, nan
tambe a haya miedo y a perde speransa.
Nan no sa di e poder todopoderoso di nan Maestro
Hesus. Nan no conoce ainda. ...: ‘Ta ken e homber
aki ta? Hasta biento y lama ta tende di
djE’(Marco 4, 41) nan a bisa. Nos tambe por scapa
di un tormenta o un turbulencia den nos bida. Scu-
cha Su Bos severo cu ta papia den nos curason, pa
nos confia den djE, E Yiu di Tata.

Oracion: Señor Hesus, haci mi Fe mas grandi. Yuda
mi. Proteha mi. Duna mi forza pa enfrenta tur
problema cu un calma, paden den mi ser.
Den e nomber prestigioso di Hesus di Nazaret.
Amen.